



Vita de ploania y de paisc

○ **Chi da Valsperch:** al ven lascé alessi che la prozesciun da Valsperch ven a La Pli en sabeda ai 27 de ma.

• **Edema dles families:** le Comune de Mareo, adöm a d'atres uniuns, envieia la comunité a l'Edema dles Families, con cösc program:

- 16.05., ales 19:30 a La Pli: Kinder trauern anders (Salf dles Manifestaziuns)
- 17.05., ales 19:30 a Rina: Family Plus Workshop* (Salf dles Manifestaziuns)
- 18.05., ales 19:30 a La Pli: Family Plus Workshop* (Salf dles Manifestaziuns)
- 20.05., ales 14:00 a Al Plan: Sontada generala ZFM* (Salf dles Manifestaziuns)
- ales 15:00 a Al Plan: Assistenza por families (Raiun Sozial, Salf Manifestaziuns)
- ales 18:00 a Al Plan: Messa dles Families

* La comunité é der bel enviada da gní a porté dant idees y propostas.
Enformaziuns pa Katrin, ☎ 340 6213637.



Enformaziuns y termins

Le KVW Val Badia organiseia n pelegrinaje de dui dis (ai 19 y 20 de jügn) ai santuars de Maria Luggau (Kärnten) y Maria Lussari (Friul) con sté suranet söle le de Millstätt. Le iade costa 200 € por i scric ete al KVW (220 € por les atres persones) + 15 euro de sorapisc por na ciamena singola. Enformaziuns y prenotaziun anter i 4 de jügn pa Christoph Pezzedi, ☎ 333 7219535, mail: crix.pezzedi@gmail.com. Düc/dötes é bel enviés/ades.

La Ciasa de Palsa da San Martin de Tor chir dai 19 de jügn ennant n/na assistent/a d'l'economia de ciasa (responsabl/a). Termo da dé jö la domanda é ales 12:00 dai 24 de ma. Enformaziuns plü monüdes sön www.ciasadepalsa.it o ☎ 0474/524786.

„**Resta porsona tal monn dai media**“ - campagna de sensibilisaziun sön l'adoranza dal fonin y dai mass media. En vendres, ai 19 de ma, ales 20:00, él tal Zënter dla Jonëza SaJ-1 a La Ila na mesa torona con Maddalena Valentini, Veronica Clara, Christian Pedevilla, Maria Pescosta y Luianta Maria Clara moderada da Lois Kastlunger: co adoré le fonin y i mass media. Düc é enviés.

Le dotur Eduard Agreiter lascia alessi che al é demez en jöbia y en vendres ai 18 y 19 de má. Al ven sostituí dla doturia Margarete Mahlkecht, ☎ 349 0667034.

Döt le bun a:	Nome	Località	Data
	Giovanni Nepomuk Agostini,	Valsperch	* 15.05.1932
	Sr. Angelica Daverda,	Legnano	* 17.05.1930
	Milio Winkler		* 17.05.1933
	Judita Burchia Kofler,	Schenna	* 19.05.1938
	Veronica Willeit ved. Steiner,	Braies	* 20.05.1937

y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

14.05.2023 - Sesta domegna de Pasca

n. 25

Chel co m'ó bun, se ten a mia parora. Mio Pere ti orará bun, y nos abitarun pa d'el. Alleluia.

(aclamaziun dan le Vangelo)


☞ St.Ap 8, 5–8.14–17 | 1 Pire 3, 15–18 | Jan 14, 15–21

Belo i pröms cristians messâ se damandé desch'ara ciará fora tal dagní y co ch'ai podará soravire te n monn tan decuntra y püch enteressé ala parora de Dio. Gejú sâ de cösta tema dai sù y pa l'ultima cena ti ál dit che el ne i lascará nia susc, mo che al ti stará dlungia con l'aiüt y la forza dal Spirit Sant (vangelo). De cösta sôa presenza y aiüt á i apostuli y i discepuli podü fá esperionza: tres plü jont odea i mirachi co sozodea, ascutâ sô les pordiches, se convertia y ciáfâ le Spirt Sant (1ª letôra). Ensciö é ince da capí les parores de san Pire te sôa pröma letera co ti dá coraji a sù „fredesc y sorus“ da testimonié sôa fede y da fá na vita desch'al toca, en union con Gejú Crist (2ª letôra).

da "Bibia di Sandís"

Dal Vangelo do San Jan:

Te chel tomp á Gejú dit a sù discepui: ¹⁵Sc'i m'oreis bun, se tignareise a mi comandamoc, ¹⁶y iu periará le Pere, y el ves dará en n'ater paraclet, co dess resté pa os por dagnora. ¹⁷Al é le Spirit dla verité, che le monn ne pó nia ciáfé, deache el ne le veiga nia y ne le conesc nia. Os endere le conesceis, ciodich'al stá pa os y sará te os. ¹⁸I ne ves lasciará nia endô desco órfanns, mo i vegni endô da os. ¹⁹Ma ciamó püch tomp, y le monn ne mo veiga nia plü; mo os m'odeis, deach'i viri y ince os viareis. ²⁰En chel de conesciareise: lu sun te mio Pere, os seis te me, y iu sun te os. ²¹Chel co tól sô mi comandamoc y se ten a d'ei, chel m'ó bun; a chel co m'ó bun, ti vegnel orü bun da mio Pere, y ince iu ti orará bun y a chel mo darái da conesce.



Iu periará le Pere, y el ves dará en n'ater paraclet, co dess resté pa os por dagnora.

Jan 14, 16

☞ Letôres dla gran festa d'Ascensiun dal Signur - Palsacruc:

St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20

Edema liturgica dai 14.05. ai 21.05.2023

DOM 14.	Sesta domegna de Pasca	<i>Bonifaz, (Matia apostul)</i>
06:30	gran messa por dōta la ploania s.m. por vis y †† dla fam. Erlacher de Tomele s.m. por † Carlo Kehrer, Mone	<i>oferta por la ploania</i>
10:00	<i>gran messa a Al Plan</i>	
Lön 15.	<i>Sofia, Sonia, Isidor, Friedrich</i>	
→ 07:30	s.m. por na familia s.m. por † Jep Lanz dal Pico	
Ded 16.	<i>Johannes Nepomuk, Adolf</i>	
07:30	<i>s.m. a Antermeia</i>	
Dem 17.	<i>Dietmar, Walter</i>	
Jöb 18.	<i>dles Crusc Jan I., Felix, Erich</i>	
→ 06:00	prozesciun fora Sares , enló s.m. en onú de Santa Maria	
Ven 19.	<i>dles Crusc Ivo, Zelestin V., Cuno</i>	
→ 19:30	prozesciun fora Pliscia , enló zelebrazium dla Parora de Dio	
Sab 20.	<i>dles Crusc Bernardin da Siena, Elfriede, Valeria, beata Josepha</i>	
→ 07:30	prozesciun a Curt (<i>enló degüna messa</i>)	
→ 09:00	s.m. en onú de Santa Maria con les prozesciuns dla bassa Val Badia <i>♫ grup dal cor</i>	
DOM 21.	GRAN FESTA DL'ASCENSIUN DAL SIGNUR – PALSACRUSC De mondial dai mesi de comunicaziun soziai	<i>Hermann Josef</i>
06:30	<i>gran messa a Al Plan</i>	
→ 08:15	gran messa por dōta la ploania s.m. de ringraziament dla fam. Pasquale y Brigitte Kastlunger s.m. d'aniversar por † Paola Pedevilla Maneschg, Col Marchet s.m. por † Eduard Maneschg, Col Marchet s.m. por † Hubert Frontull, Casun s.m. por †† Sciandro y Clementina Winkler y Judita Elliscases	<i>oferta por la ploania</i>
<i>ministronc:</i>	<ul style="list-style-type: none"> • lönesc y sabeda: Anna y Veronica • domegna: Daniel y Maria, Armin y Rafael 	
<i>i recordun:</i>	Paola Pedevilla Maneschg	† 16.05.2019
	Marianna Erlacher ved. Pedevilla, Al Plan	† 18.05.2017
	Rosa Maneschg ved. Erlacher, San Sciomun	† 18.05.2021
	Maria Maddalena Burchia ved. Ellecosta, San Laronz	† 19.05.2021



L'anima dla dlija é le Spirit Sant

I ponsun do:

Val' iade minunse ch'i se fajesson plü saurí da creie sce Gejú foss present danter nos desco porsona. Mo ince porsones co l'á encunté dertan sōa vita sōn cōsta tera n'á nia ciáfé le tru dla fede. Ci co nes deida creie é le sostegn che Gejú nes dá: nos an so Spirit y so amur. Chel co va le tru de so amur, romagn uní a el y sONTIARÁ entres danö la forza de so Spirit.

I periun:

Bel Dio le Spirit de to Fi rosserí ó porté comunité. Dasse tres la presenza dal Signur la forza da fá dal ben y da romagne unís a te y a nosc proscim. Por Gejú Crist, nosc Signur.

Vesco Wilhelm Egger "Sonntagsbibel"




6. Sonntag der Osterzeit

*»Wenn ihr mich liebt, werdet ihr meine Gebote halten«
Johannes 14, 15*

Vielleicht könnten wir fragen, ob die Liebe dazu führt, dass wir die Gebote halten, oder ob das Halten der Gebote die Liebe bewirkt. Es gibt jedoch keinen Zweifel, dass die Liebe stets vorausgeht. Denn wer nicht liebt, dem fehlt überhaupt die Möglichkeit, die Gebote zu halten.

Hl. Augustinus

I simboi cristiagn cuntés ai mituns (17)



Le len da öa

Gejú dij a sū amic: „lu sun le der len da öa“ y „lu sun le len, os seis les rames“ (*Vangelo do San Jan 15, 1.5*). Le len da öa mess ester sterch y gaiert por che al poi cresce trepes piches d'öa. Gejú é por nos desco en te len: Sce i viun desco sū amic y romagnun liés a d'el, spo pó nosta vita garaté. Ma deboriada con i atri pó nosta fede porte früc. Gejú se dá la forza por che nosta vita porti früc.

Le granel de formont

Dal granel de formont al pan él en tru sfadius. En granel toma te tera y „mör“, mo fora de él crescel en spi con trec graní. Chisc ven majinés, ai „mör“ por che al poi gni denfora val de nō: le pan. Ensciö esera ince con Gejú: Desco le granel de formont dá Gejú ca sōa vita y se scinca val de nō: na comunité nea – sora la mort fora - con Chel Bel Dio y con duc chi co crei te Gejú y confida te el. „Sce le granel de formont ne toma nia te tera y mör, romagnel su; sce al mör endere, portel de bogh früc (*Vangelo do San Jan 12,24*). Le granel de formont co toma te tera y dá vita nea é en segn de speranza por duc i cristiagn te na vita eterna pa Chel Bel Dio.

